

Surat khabar: Utusan Borneo (Berita Iban)

Hari/Tarikh: 16/11/2016

Muka surat: 11

Tajuk : Jabu: Tumbuhka 'Joint Academia-Industry Council'

# Jabu: Tumbuhka 'Joint Academia-Industry Council'

## Ngambika nyadi palan endur berandauka guna industri dalam timpuh lima taun ke deka datai

Dikarang Jacqueline R. David

**KOTA SAMARAHAN:** Universiti perintah nyengkaum Univesiti Malaysia Sarawak (UNIMAS) dipinta numbuhka sebengkah Joint Academia-Industry Council ngambi ulih berandauka guna industri dalam timpuh lima taun ke deka datai.

Pro-Canselor Universiti Malaysia Sarawak (UNIMAS) Datuk Patinggi Tan Sri (Dr) Alfred Jabu madah pengulih raban graduet, iya nya asil ari mayuh bengkah proses belajar enggau peneleba.

"Ukai mudah ngiga siti tauka dua pemun penegap tauka pengurang, lalu aku empu bisi dipadah universiti suah ngiga jalai ngangkatka kualiti program pelajar ke bisi disediaka."

"Pengawa ke baka tu beratika universiti ngelatih raban graduet ulih nitihka chuan ti dikedekaka makit kereja kemaya hari tu.

"Randau antara industri enggau akademia enda tau enda tegap sereta dinamik, ngambika pemansang menua seruraj diberi seput ke baru," ku Jabu.

Iya madah munyi nya lebuh bejaku ba Konvokesyen UNIMAS ke-20 di DeTAR Putra, semak ditu, kemari.

Ex-Sapit Kepala Menteri nya ngelalau raban graduet ke deka belabuh ngiga pengawa tauka deka gawa, enda tau

"Ukai mudah ngiga siti tauka dua pemun penegap tauka pengurang, lalu aku empu bisi dipadah universiti suah ngiga jalai ngangkatka kualiti program pelajar ke bisi disediaka."

Datuk Patinggi Tan Sri (Dr) Alfred Jabu  
Pro-Canselor Universiti Malaysia Sarawak (UNIMAS)

enda ingat, ukai mudah napi dunya di luar din.

"Ukai semina begunaka pemandai, penemu tang pengelandik ke dipelajar maya dalam kelas.

"Pengelandik komunikasi ke lebih agi dalam Jaku English sebengkah pekara dikemerat ke lebih lebu ngiga pengawa ke dikedekaka kita. Nya alai, aku ngelalau raban graduet di UNIMAS tu belajar ngena Jaku English, ngambi ulih ngurangka pamar bejaku lebu nyingkang ngiga pengawa ke majak mar," ku iya.

Kelimpah ari nya, Jabu madah alumni ngembuan pengawa ke berat nyungkak pemujur UNIMAS ngambika tampak agi di renggat global.

"Lebu kitai udah mujur ila, anang enda ingatkan pengawa kita mantu universiti tu, kelai terima kasih kita ngagai bala pengelicha ke udah ngajar kita nyentuk ke kita

mujur graduet baka ke diatu. Sukung kita ngagai universiti ukai semina naka duit ringgit aja, tang ba pengawa ti dipejalaika kita sereta bekunsika penemu ba atur pengawa ke dipejalaika universiti tu," ku iya.

"Raban ke besekula tinggi beguna amat ba pengawa ngangkatka status sesebuah ruang bilik.

"Di Sarawak, aku suah ngelalau tetiap ruang bilik ngambika ngembuan juluk nganjung abis nadai, siku ari ruang bilik kita belajar ngambi program degree," ku iya.

Diatu, udah bisi peluang baru ke sida ti udah lama gawa, belajar baru ba universiti di menua sida empu.

'Accreditation of Prior Experiential Learning' tauka APEL, siti chara baru ke meri jalai ngagai rayat Malaysia, belajar baru," ku iya.

Ku iya, setipak enggau penemu ti madah' belajar



**KELAI PEMUJUR:** Jabu nyuaka degree ngagai penerima, Ho Pei Yong ba Konvokesyen UNIMAS ke-20, kemari.

seumur idup', APEL meri peluang ngagai semua ke bedau bisi degree, belajar ngena kredit pelajar ke diambil sereta ke enda tau enda dititih, nitihka peneleba pengawa seseiku.

"Nengah inisiatif tu, aku ngelalau apai indai enggau penyaga, nerenak juluk belajar baru di universiti, nengah program APEL, ngiga penemu sereta pengelandik ke relevan enggau pengawa sida.

"Enti kelia, kitai kiruh endar ngasuh anak kitai belajar nyentuk ke universiti, tang diatu apai indai sereta penyaga

mega bepeluang ngambi siti, dua degree.

"Diri sebilik manah agi pendiau enti mayuh anak, sereta apai indai ke bepengelandik sereta pandai. Penemu seseiku nyadi reta tetap ngagai orang nya ngempu nyentuk ke pengujung umur iya," ku iya.

Ba konvokesyen nya kemari (Sidang Dua) beratika urung 1,232 raban graduet ari dua bengkah fakulti, Fakulti Ekonomi enggau Pengawa Dagang (FEB) sereta graduet ari Fakulti Seni Gunaan enggau Kreatif (FSGK) nerima degree sida.

dikena nyapai penuduk nyadi menua ke maju.

"Berindik ari pekara tu, UNIMAS terus komited ngangkatka agenda STEM di Sarawak, Kerejasama enggau mayuh macham kompeni peribit sereta sekeda industri baka Tabung Ekonomi Gagasan Anak Bumiputera Sarawak (TEGAS), Shorefield, X-Fab Sarawak enggau sekeda kompeni peribit bukal.

"Kerejasama tu beguna amat dikena ngangkatka STEM kelimpah ari mantu mayuh macham aktiviti penemu ke relevan," ku iya.

Ku iya baru, penumbuh makmal STEM di Fakulti Injiniring nengah kerejasama enggau TEGAS, diperatika ulih ngangkat sereta nambah penemu komuniti bekaul enggau STEM di Sarawak.

"Universiti ngarapka ulih nambah pemayuh makmal industri enda lama agi, laban deka ngamatka agenda STEM nengah chara sistematik sereta efektif di UNIMAS enggau Sarawak.

"Pengelandik ke dikembuan UNIMAS dalam STEM tu ila deka dikena ngelatih pengereja pengawa ngambika landik sereta jalan epengelandik dikena ngisi peminta industri, baka pemansang SCORE di Sarawak sereta ngaga projek ngaga Pan Borneo Highway," ku iya.

Jabu udah dipebasa nyuaka degree ngagai bala penerima kemari.

Ba Konvokesyen ke-20 UNIMAS sekali tu, bisi urung 4,275 iku graduet ti mega nyadi siti rikod ke pepadu besai kala dijapai UNIMAS, nyengkaum renggat pelajar, ijazah doktor falsafah (PhD), ijazah sarjana enggau sarjana muda.

Sebedau nya, Mandai Canselor UNIMAS, Prof Dato' Dr Mohamad Kadim madahka pelajar sains, teknologi, injiniring enggau matematik dikemerat dalam agenda pemansang di Sarawak